

LIGJ
Nr.7680, datë 3.3.1993

PËR SISTEMIN E TAKSAVE NË REPUBLIKËN E SHQIPËRISË

Në mbështetje të neneve 13 dhe 16 të ligjit nr.7491, datë 29.4.1991 "Për dispozitat kryesore kushtetuese" me propozimin e Këshillit të Ministrave

KUVENDI POPULLOR
I REPUBLIKËS SË SHQIPËRISË

V E N D O S I :

Neni 1

Në Republikën e Shqipërisë, sistemi i taksave përbëhet nga taksat nacionale dhe ato lokale.

Neni 2

Në taksat nacionale bëjnë pjesë:

- taksa portuale;
- taksa për shërbime konsullore;
- taksa për qarkullimin rrugor;
- taksa për përdorimin e aparateve televizive;
- taksa për përdorimin e aparateve telefonike;
- taksa për kryerjen e veprimeve gjyqësore e noteriale;
- taksa për regjistrimin në arësimin e lartë;
- taksa për radiokomunikacionin privat;
- taksa për kalimin e kufirit shtetëror të Republikës së Shqipërisë me avion;
- taksa për pajisjen me dëshmi aftësie për drejtim automjeti;
- taksa për shfrytëzimin e lëndës drusore;
- taksa për fjetje në hotel të të huajve;
- taksa për pajisjen me pasaportë lundrimi;
- taksa për ushtrimin e veprimtarisë së peshkimit;
- taksë regjistrimi për veprimtari të ndryshme;
- taksë regjistrimi për ushtrimin e lotarive, të konkurseve parashikuese dhe lojrave të fatit.

Neni 3

Në taksat lokale bëjnë pjesë:

- taksë pulle dhe taksë mbi aktet;
- taksë pastrimi;
- taksë tregu për zënie vendi e peshëmbajtje;
- taksë për gjueti;
- taksë për reklamat e firmave private.

Neni 4

Taksat lokale të vendosura në këtë ligj shërbejnë si taksa orjentuese.

Këshilli i rrethit, bashkisë e komunës, kur e gjykon të domosdoshme mund të vendosë taksa të përkohshme, për shërbime në interes të banorëve dhe masa e tyre të vendoset në konsensus me banorët e rrethit, bashkisë e komunës.

Neni 5

Të ardhurat që realizohen nga taksat nacionale, derdhen në buxhetin e shtetit, kurse ato që realizohen nga taksat lokale derdhen në buxhetin e rrethit, bashkisë e komunës.

Neni 6

Shtetasit janë të detyruar të deklarojnë pajisjet vetjake që i nënshtrohen pagimit të taksave sipas këtij ligji, brenda muajit janar, ndërsa për pajisjet e blera rishtas 30 ditë pas zotërimit të tyre.

Neni 7

Niveli i taksave përcaktohet si më poshtë:

Për taksat nacionale

- a) taksat portuale caktohen sipas lidhjes nr.1;
 - b) taksat për shërbimet konsullore caktohen sipas lidhjes nr.2;
 - c) taksat për qarkullimin rrugor caktohen në masën 16 për qind mbi çmimin e shitjes me pakicë të benzinës dhe gazoilit që do t'u shitet përdoruesve të automjeteve;
 - ç) për përdorimin e aparateve televizive nga çdo zotërues paguhet një taksë 30 lekë në vit për çdo aparat televiziv;
 - d) për përdorimin e aparateve telefonike nga çdo zotërues paguhet një taksë 20 lekë në vit për çdo aparat telefonik me përjashtim të ushtarakëve të shërbimit aktiv të përhershëm që janë pajisur me telefon për qëllime gatishmërie;
 - dh) taksat për kryerjen e veprimeve gjyqësore e noteriale caktohen sipas lidhjes nr.4;
 - e) për regjistrimin në arsimin e lartë paguhet një taksë 20 lekë për çdo vit shkollor;
 - f) taksat për radiokomunikacionin privat caktohen sipas lidhjes nr.5;
 - g) për kalimin e kufirit shtetëror të Republikës së Shqipërisë me avion për të udhëtuar në shtetet e tjera, nga shtetasit e huaj paguhet një taksë prej 10 dollarësh USA për çdo kalim dhe për shtetasit shqiptarë 500 lekë për çdo kalim;
 - gj) taksa për pajisjen me dëshmi aftësie për drejtim automjeti caktohet 1.000 lekë për dëshminë e grupit A, B dhe F.
- Për marrjen e dëshmive të tjera taksa paguhet në masën 50 për qind të shumës së mësipërme;
- h) taksa për shfrytëzimin e lëndës drusore caktohet për çdo ndërmarrje nga Ministria e Financave dhe Ekonomisë, në bashkëpunim me Ministrinë e Bujqësisë dhe të Ushqimit;
 - i) taksa për fjetjen në hotele caktohet 10 dollarë USA të konvertuar në kursin ditor të Bankës së Shqipërisë për çdo natë fjetje vetëm për shtetas të huaj dhe përfshihet në çmimin e fjetjes në hotel;
 - j) taksa për pajisjen me pasaportë lundrimi caktohet 500 lekë;
 - k) taksa për ushtrimin e veprimtarisë së peshkimit caktohet sipas lidhjes nr.3;
 - l) taksa e regjistrimit për veprimtari të ndryshme caktohet si më poshtë:
- Për veprimtari private të personave fizikë shqiptarë 1.000 lekë dhe për personat juridikë shqiptarë privat 8.000 lekë.

Për ndërmarrjet shtetërore shqiptare me pjesëmarrjen e kapitalit të huaj kundravlehtë në lekë e 1.000 dollarë USA me kursin e këmbimit të Bankës së Shqipërisë në ditën e regjistrimit dhe për zyrat e përfaqësimit të ndërmarrjeve të huaja kundërvlehtë në lekë e 500 dollarë USA, të cilat regjistrohen në Drejtorinë e Tatimeve në Ministrinë e Financave dhe Ekonomisë.

Për personat fizikë e juridikë të huaj që do ushtrojnë veprimtari private vetëm apo në bashkëpunim me personat fizikë e juridikë vendas dhe që regjistrohen në degët e tatimeve paguhet taksa e regjistrimit kundërvlehtë në lekë e 500 dollarë USA, me kursin ditor të këmbimit të Bankës së Shqipërisë në ditën e regjistrimit.

m) Taksat e regjistrimit për ushtrimin e lotarive të konkurseve parashikuese dhe të lojrave të fatit caktohet 5.000 lekë në vit.

Për taksat lokale

- a) Taksat e pullës dhe taksa mbi aktet caktohet sipas lidhjes nr.4.
- b) Taksa për reklamat e firmave private caktohet 2.000 lekë për m² në vit.
- c) Taksa e pastrimit caktohet 50 lekë në vit për çdo familje dhe 500 lekë në vit për personat

juridikë e fizikë.

ç) Taksa e tregut për zënie vendi caktohet 30 lekë për metër katror për çdo ditë.

Taksa e tregut për peshëmatje dhe kontrollin e mjeteve matëse caktohet 10 lekë për çdo ditë.

d) Taksa për lëshimin e lejes vjetore të gjuetisë 1.000 lekë në vit;

Neni 8

Taksa vjetore është e menjëhershme dhe paguhet brenda muajit janar të çdo viti.

Taksat e shërbimeve me karakter administrativ gjyqësor e noterial paguhën me anë të pullës.

Taksat arkëtohen nga organi që kryen shërbimin. Në këto raste organet shtetërore dhe private veprojnë si agjentë tatimorë për mbledhjen e taksave. Personave juridikë shtetërorë dhe personave juridikë e fizikë privatë ju lihet një përqindje e caktuar e masës së taksave të vjela si më poshtë:

A. Për taksat nacionale:

a) Për taksat portuale	3 për qind
Nga e cila:	
- Kapitenerisë së porteve	2,5 për qind
- Agjencive detare	0,5 për qind
b) për taksat për shërbimet konsullore	3 për qind
c) për taksën e qarkullimit rrugor	0 për qind
d) për taksën për përdorimin e aparateve televizive	5 për qind
e) për taksën për përdorimin e aparateve telefonike	5 për qind
f) për taksën e regjistrimit në arsimin e lartë	2 për qind
g) për taksën për radiokomunikacionin privat	2 për qind
gj) për taksën për kalimin e kufirit shtetëror të Republikës së Shqipërisë me avion	5 për qind
h) për taksën për pajisjen me dëshmi aftësie për drejtim automjeti	5 për qind
i) për taksën e shfrytëzimit të lëndës drusore	0 për qind
j) për taksën e fjetjes në hotel të të huajve	0 për qind
k) për taksën e ushtrimit të veprimtarisë së peshkimit	5 për qind
l) për taksën e regjistrimit për veprimtari të ndryshme	0 për qind

B. Për taksat lokale

a) Për taksën e pastrimit	5 për qind
b) Për taksën për zënie vendi e peshëmatje	5 për qind
c) Për taksën e gjuetisë	5 për qind
ç) Për taksën e pullës dhe mbi aktet	5 për qind
d) Për taksën për reklamat e firmave private	5 për qind

Këto shuma do të përdoren:

1. Në formën e shpërblimit mbi pagën për vështirësi në punë deri në masën 20 për qind për punonjësit që do të shërbejnë si agjentë tatimorë. Punonjësit që përfitojnë këto shpërblime përcaktohen nga drejtuesit e subjekteve.

2. Në formën e pagës, kur merren punonjës të rinj për të përballuar vjeljen e taksave.

3. Pjesa që mbetet do të përdoret për mekanizimin, informatizimin dhe përmirësimin e kushteve të punës.

Sipas llojit të taksave organet që ngarkohen me nxjerrjen e taksave janë:

A. Për taksat nacionale

a) Për taksat portuale ngarkohen kapiteneritë e porteve, të cilat i vjelin këto taksa drejtëpërdrejt ose nëpërmjet agjencive detare shtetërore ose private. Për taksën për pajisjen me pasaportë lundrimi ngarkohen kapiteneritë e porteve.

b) për taksat për shërbime konsullore ngarkohet Ministria e Punëve të Jashtme dhe Ministria e Rendit Publik sipas ndarjes që do të përcaktohet me udhëzim të Ministrisë së Financave dhe Ekonomisë.

c) për taksën e qarkullimit rrugor ngarkohen ndërmarrjet e shitjes së karburantit.

ç) për taksën për përdorimin e aparateve televizive ngarkohen zyrat e pagesës së energjisë elektrike në varësi të ndërmarrjeve elektrike.

d) për taksën për përdorimin e aparateve telefonike ngarkohen degët e PTT.

dh) për taksat për kryerjen e veprimeve gjyqësore dhe noteriale ngarkohen administrata gjyqësore, noteria dhe zyrat e hipotekave.

e) për taksën e regjistrimit në arsimin e lartë ngarkohen universitetet dhe shkollat e tjera të larta.

ë) për taksën për radiokomunikacionin privat ngarkohet Komisioni Shtetëror i Radiokomunikacionit.

f) për taksën për kalimin e kufirit shtetëror të Republikës së Shqipërisë me avion ngarkohen organet doganore.

g) për taksën për pajisjen me dëshmi aftësie për drejtim automjeti ngarohet inspektorati rrugor i Ministrisë së Rendit Publik.

gj) për taksën për shfrytëzimin e lëndës drusore ngarkohen organet që caktohen nga Ministria e Bujqësisë dhe e Ushqimit dhe Ministria e Financave dhe Ekonomisë.

h) për taksën për fjetjen në hotel të të huajve ngarkohen hotelet, pensionet shtetërore ose private.

i) për taksën e ushtrimit të veprimtarisë së peshkimit ngarkohet Drejtoria e Përgjithshme e Peshkimit.

j) për taksën e regjistrimit të ushtrimit të veprimtarive të ndërmarrjeve shtetërore me pjesëmarrjen e kapitalit të huaj dhe për zyrat e përfaqësimit ngarkohet Drejtoria e Tatimeve në Ministrinë e Financave dhe Ekonomisë, ndërsa për veprimtaritë private të personave fizikë a juridikë vendas apo të huaj, si dhe për veprimtaritë private të personave fizikë dhe juridikë vendas në bashkëpunim me të huaj ngarkohen degët e tatimeve në rrethe.

B. Për taksat lokale

a) për taksën e pullës dhe taksën mbi aktet ngarkohen zyrat e gjendjes civile.

b) për taksën për reklamat e firmave private ngarkohen këshillat e rretheve, bashkive dhe komunave.

c) për taksën e pastrimit ngarkohen zyrat e pagesës së energjisë elektrike në varësi të ndërmarrjeve elektrike.

ç) për taksën e tregut për zënie vendi, për peshëmatjen e kontrollin e mjeteve matëse ngarkohen këshillat e rretheve, bashkive e komunave, të cilët të parashikojnë në organikat e tyre personelin që do të ngarkohet me vjeljen e kësaj takse.

d) për taksën e gjuetisë ngarkohet Shoqata e Gjuetarëve.

Këshillat e rretheve kanë kompetencën të caktojnë edhe subjekte të tjera nga ato të përcaktuara më sipër të cilat do të merren me vjeljen e taksave lokale.

Neni 9

1. Nga pagimi i taksës së akteve dhe të pullës përjashtohen:

Veprimet zyrtare që kërkohen nga autoritetet e huaja, me kusht reciprociteti.

Regjistrimi i lindjeve dhe i vdekjeve, si dhe notimet në regjistrat e gjendjes civile.

2. Përjashtohen nga pagimi i taksës së regjistrimit në shkollat e larta studentët jetimë.

3. Përjashtohen nga pagimi i taksës së vizës dhe taksës së hyrjes në territorin e Republikës së Shqipërisë:

a) Personat që janë pajisur me pasaporta diplomatike dhe shërbimi.

b) Personat e organizatave bamirëse e filantropike.

- c) Punonjësit e Kryqit të Kuq dhe të Ligës Ndërkombëtare të Kryqit të Kuq.
 - d) Shtetasit e huaj me kombësi shqiptare.
 - e) Shtetasit me dy nënshtetësi shqiptare dhe të huaj.
 - f) Personat që shoqërojnë mjete me ndihma humanitare në bazë të marrëveshjeve ose të dërguara nga organizatat bamirëse, institucionet e ndryshme, individë të veçantë etj.
 - g) Grupet e organizuara turistike që hyjnë në Republikën e Shqipërisë mbi bazë të marrëveshjeve me agjencitë turistike dhe qëndrojnë një ditë në Republikën e Shqipërisë paguajnë taksë hyrje ose vize në masën 5 dollarë USA.
4. Nga pagimi i taksës së kalimit të kufirit shtetëror të Republikës së Shqipërisë me avion përjashtohen:
- a) personat që janë pajisur me pasaporta diplomatike e shërbimi.
 - b) personat e organizatave bamirëse e filantropike.
 - c) anëtarët e familjeve të përfaqësuesve diplomatikë të akredituar në Republikën e Shqipërisë që jetojnë bashkarisht.
 - ç) anëtarët e personelit të misionit diplomatik të akredituar në vendin tonë që punojnë në shërbimin administrativ dhe teknik të misionit, si dhe anëtarët e familjeve të tyre.
 - d) personeli i avionit dhe personeli i shoqërive ajrore në bazë të reciprocitetit.
 - e) fëmijët që janë pajisur me gjysmë bilete.
 - f) për shtetasit shqiptarë që shkojnë me shërbim jashtë shtetit pagesa e taksës do të përballohet nga institucioni ose ndërmarrja shtetërore që i dërgon me shërbim.
5. Përjashtohen nga pagimi i taksës për fjetjen në hotel të të huajve grupet turistike që vijnë nëpërmjet agjencive turistike ose institucioneve të tjera dhe që paguajnë nën 30 dollarë për çdo ditë qëndrimi.
6. Përjashtohen nga pagimi i taksës së pastrimit familjet që banojnë në fshat.
7. Kur detyrimi për pagimin e taksave vjetore lind brenda 6-mujorit të parë do të paguhet 100 për qind e taksës, ndërsa kur detyrimi lind 6-mujorin e dytë do të paguhet vetëm 50 për qind e masës së këtyre taksave.

Neni 10

Quhen shkelje të këtij ligji refuzimi, shmangia në çdo formë tjetër dhe mosderdhja në afat e taksave.

Neni 11

Shkeljet e parashikuara në nenin 10 të këtij ligji kur nuk përbëjnë vepër penale quhen kundërvajtje administrative dhe dënohen me gjobë 1.000 deri 3.000 lekë, duke marrë taksën në vlerën e saj të plotë.

Neni 12

Ligji nr.7548, datë 8.1.1992, ndryshuar me ligjin nr.7588, datë 15.7.1992 "Për sistemin e taksave në Republikën e Shqipërisë", si dhe çdo dispozitë tjetër që bie në kundërshtim me këtë ligj, shfuqizohen.

Neni 13

Ky ligj hyn në fuqi 10 ditë pas shpalljes së tij.

Shpallur me dekretin nr.485, datë 9.3.1993 të Presidentit të Republikës së Shqipërisë, Sali Berisha.

NIVELI I TAKSAVE PORTUALE NË REPUBLIKËN E SHQIPËRISË

Taksa në dollarë

Për çdo ton neto	Gjithsej në çdo
të regjistrit të	anije
anijeve	

LLOJI I TAKSAVE

Taksa Portuale

1. Taksë e zakonshme anije:

- Për nijet që ngarkojnë ose shkarkojnë mallra	1.0
- për anijet e udhëtarëve e tragei	0.6
- për anije sportive motoska	0.4
- për anijet e transportit të tregtisë kufitare	0.4

2. Taksë me zbritje të anijes:

- Për të gjitha llojet e anijeve	0.4
----------------------------------	-----

3. Taksë e kapitenerisë për dorëzimin e anijeve në portet shqiptare

- Deri në 500 TRN	25
- Nga 500 - 1000 TRN	50
- Nga 1000 - 1500 TRN	75
- Nga 1500 - 2000 TRN	100
- Nga 2000 - 4000 TRN	160
- Për anije mbi 4000 TRN	250

4. Taksë për dhënien e lejes nga kapiteneria për të drejtën e ushtrimit të radiostacionit

50

5. Taksë për dhënie leje nisjeje nga kapiteneria e portit:

- Për anije deri në 500 TRN... 0.04 \$ për TRN, por jo më shumë se 15 \$	
- Për anije mbi 500 TRN	15

6. Taksë faro feneri:

a) për anije deri në 500 TRN, 0,10 USD për TRN, por jo më pak se 5 USD;	
b) për anije mbi 500 TRN	50 USD

7. Taksë për protestë detare:

- Për nënshkrimin e saj nga kapiteneria taksa caktohet si vijon:	
- Për anije deri në 500 TRN	30
- Për anije nga 500-1000 TRN	40
- Për anije nga 1000-2000 TRN	45
- Për anije nga 2000-4000 TRN	55
- Për anije mbi 4000 TRN	65

8. Taksë për formalitetet e kryera nga dogana, shëndetësia dhe autoritetet e tjera 0,3 USD për

Shënim: 1. Përjashtohen nga taksat e mësipërme anijet që transportojnë ndihma shtetërore e humanitare të shoqërive të ndryshme bamirëse dhe institucioneve fetare.

2. Taksa me zbritje zbatohet kur ka marrëveshje qeveritare ose të miratuara nga Ministria e Transporteve dhe e Komunikacionit.

3. Për anijet e subjekteve fizike e juridike shqiptare pagesa e taksave bëhet në lekë ose në valutë, në raport me realizimin e të ardhurave.

4. Për anijet që prekin portet detare Sarandë, Vlorë e Shëngjin, taksat portuale zbatohen 20 për qind më të ulta.

5. Për anijet e personave fizikë e juridikë shqiptarë paguhet në të gjitha rastet taksa me zbritje, ndërsa taksat e tjera portuale në masën 50 për qind.

6. Anijet e transportit të brendshëm detar paguajnë taksën e anijes vetëm një herë në prekjen e parë të çdo porti shqiptar dhe nuk paguajnë në hyrjet pasuese gjatë vitit kalendarik.

7. Anijet e shërbimit portual përjashtohen nga pagimi i taksave.

8. Anijet luftarake dhe spitalore të cilitdo shteti paguajnë taksë portuale vetëm kur këto përdoren për qëllime tregtare.

9. Ministria e Financave dhe Ekonomisë dhe Ministria e Transporteve dhe Komunikacioneve përcaktojnë rregulla për zbatimin e taksave për anijet e subjekteve fizike ose juridike shqiptare.

Lidhja nr.2

TAKSË PËR SHËRBIMET KONSULLORE

Taksë fikse	Lekë
1. Për lëshimin e pasaportave për dalje jashtë shtetit	100
2. Për leje kalimi	50
3. Për vizë të huajve në bazë të marrëveshjeve ose në bazë të reciprocitetit	-
4. Për shtetasit e shteteve ndaj të cilëve nuk kërkohet vizë hyrje, merret taksë hyrjeje në territorin e Republikës së Shqipërisë në një masë të barabartë me taksën e vizës që shtetet e këtyre shtetasve marrin për shtetasit shqiptarë	-
5. Për lëshimin e pasaportave nga përfaqësitë diplomatike dhe konsullatat	2000
6. Për leje kalimi të lëshuara nga përfaqësitë diplomatike	1000
7. Për lëshimin e certifikatave të çdo lloji, për legalizimin e tyre ose të çdo dokumenti tjetër nga përfaqësitë diplomatike apo nga përfaqësitë konsullore:	
a) Për shtetasit shqiptarë jashtë shtetit	2000
b) Për shtetasit e huaj në bazë të reciprocitetit	-
8. Për zgjatjen e afatit të pasaportave nga përfaqësitë diplomatike apo konsullatat	500
9. Për vërtetim certifikatash ose të dokumenteve të tjera, të lëshuara nga autoritetet tona për të huaj, ose të lëshuara nga autoritetet e huaja, zbatohet parimi i reciprocitetit.	-
10. Për vërtetim certifikatash ose dokumenteve	

TAKSA VJETORE PËR USHTRIMIN E VEPRIMTARISË SË PESHKIMIT

I. PESHKIMI DETAR (për 1 anije) Në lekë

1. Peshkimi me tratakoce	
- Anije 200 - 410 HP	30.000
- Anije mbi 410 HP	45.000
2. Peshkimi pellagjik me trata volante	
- Anije 200-410 HP	15.000
- Anije mbi 410 HP	20.000
3. Peshkimi pellagjik me rrethime	5.000
4. Peshkimi me mjete selektive (grepa, mrezhda etj.)	10.000
5. Peshkimi i moluskeve bivalvore	30.000

II. PESHKIMI ARTIZANAL ME MJETE TË LEHTA

1. Peshkimi në bregdet (për një sanall)	4.000
2. Peshkimi në lagunat bregdetare:	
- në lagune (për një lundër)	4.000
- në dajlane (për një peshkatar)	3.000
3. Peshkimi në ujrat e brendshme:	
- aktiv (për një lundër)	2.000
- në dajlane e prita (për një peshkatar)	3.000
4. Grumbullimi i moluskeve bivalvore për një peshkatar	3.000

SHËNIM: Për anijet e huaja që do të marrin licencë peshkimi në ujrat tona territoriale taksa e lejes së ushtrimit të veprimtarisë do të jetë sa dyfishi i anijeve shqiptare.

Nuk i nënshtrohen kësaj takse anijet e autorizuar nga Ministria e Bujqësisë dhe Ushqimit (Drejtoria e Peshkimit) që do të peshkojnë për qëllime studimore-shkencore.

**TAKSAT PËR SHËRBI MET QË KRYHEN NGA ADMINISTRATA GJYQËSORE, NOTERIA
DHE ZYRAT E HIPOTEKAVE**

Taksa fikse në lekë	Taksë proporcionale ose progresive në %
------------------------	--

A. Taksa për veprimet juridike që kryhen nga administrata gjyqësore.

1. Për regjistrimin e personave juridikë privatë (shtetas shqiptarë)	100
2. Për regjistrimin e personave juridikë privatë (shtetas të huaj)	1.000
3. Për lëshimin e vërtetimit se personi nuk ka pengesa ligjore për pajisjen me pasaportë për jashtë shtetit	5
4. Për lëshimin nga gjykata të çdo kopje vendimi e çdo dokumenti që kërkohet nga të interesuarit	25
5. Për lëshimin e vërtetimit për shqyrtim vendimi gjyqësor, penal ose civil i formës së prerë	10

6. Për lëshimin e dëshmisë së penaltetit nga zyrat e gjendjes gjyqësore	10
7. Për legalizimin e akteve të noterisë nga Ministria e Drejtësisë	10
8. Kërkesë padi që paraqiten në gjykatë:	
- për pension ushqimor	10
- për vërtetim fakti	30
- për të gjitha paditë e tjera	50
B. Taksë për veprime që kryhen nga përmbaruesi gjyqësor:	
1. Për vënien në ekzekutim të vendimeve e titujve të tjerë ekzekutiv me objekt të pavleftësueshëm	100
2. Për vënien në ekzekutim të vendimeve e titujve të tjerë ekzekutiv me objekt të vleftësueshëm:	
- kundrejt shtetasve	2
- kundrejt personave juridikë	5
3. Për lajmërimet dhe veprimet e tjera të përmbaruesit gjyqësor	10
4. Për lëshime nga përmbaruesi gjyqësor të çdo lloj akti ose dokumenti të kërkuar nga të interesuarit	25
5. Për vënien në ekzekutim të vendimeve me objekt pension ushqimor	25
C. Veprime që kryhen nga zyrat noteriale	
1. Përpilimi i testamenteve	100
2. Kontrata për kalim të pronësisë	50
3. Prokura (redaktimi)	
- të përgjithshme	30
- të posaçme	50
4. Akte noteriale të ndryshme (redaktim)	50
5. Vendim për dëshmi trashëgimie	100
6. Kopjim dhe vërtetim njësie me origjinalin	50
7. Vërtetim përkthimi dhe vërtetim njësie me origjinalin	10
8. Vërtetim firme në banesa ose spitale	20
D. Taksat për veprimet që kryhen në zyrat e hipotekave	
1. Për regjistrimin e vendimit, i cili përmban fitimin ose njohjen e pronësisë mbi sendet e paluajtshme, që deklaron të pavlefshme veprimet juridike për kalimin e pronësisë të regjistruar më parë	100
2. Për regjistrimin e dëshmisë së trashëgimisë në lidhje me fitimin me anë të trashëgimisë të pronësisë mbi sende të paluajtshme	100
3. Për regjistrimin e vënies sekuestros mbi sendet e paluajtshme	50
4. Për heqjen e hipotekës	40
5. Për lëshimin e çdo dëshmie të interesuarve nga zyrat e hipotekës	25
E. Taksa e akteve dhe e pullës	
1. Për lëshimin e certifikatave të gjendjes civile	5
2. Për lëshimin e pasaportave të brendshme	10
3. Për regjistrimin përfundimtar të vendbanimit të ri	5
4. Për marrjen e çdo akti të emërtuar ose të zhdukur të gjendjes civile, si dhe për korrigjimet e tyre	5
5. Për regjistrimin e dhënies së shtetësisë	10
6. Për regjistrimin e lënies së shtetësisë për çdo person madhor	10
7. Për rregjistrimin e vendimit të ndërrimit të emrit ose mbiemrit	30

TAKSAT PËR SHËRBIMET PRIVATE TË RADIOKOMUNIKACIONIT

I. Taksat për stacionet që punojnë në brezin 26+500 MHz (përfshirë ata që trajtohen në kreun II deri VI)

1. Ndërlidhje ndërmjet dhënies marrësive (e dyanshme)
2. Ndërlidhje ndërmjet stacioneve fikse kur largësia në vijë ajrore midis tyre është:

- deri në 10 km	700 lekë
- deri në 30 km	2.500 lekë
- deri në 50 km	5.000 lekë
- mbi 50 km	10.000 lekë

B. Ndërlidhje e një stacioni fiks me një të lëvizshëm ose ndërmjet dy stacioneve të lëvizshëm, kur largësia maksimale e ndërlidhjes është:

- | | |
|-----------------|------------|
| - deri në 10 km | 350 lekë |
| - deri në 30 km | 1.300 lekë |
| - deri në 50 km | 2.500 lekë |
| - mbi 50 km | 5.000 lekë |

C. Ndërlidhje ndërmjet një stacioni fiks dhe shumë stacioneve të lëvizshëm ose ndërmjet shumë stacioneve të lëvizshëm.

Në këtë rast zbatohen taksat e paragrafit 1.B me një koeficient reduktimi si më poshtë:

- | | |
|---|-----|
| - nga 1 deri në 5 stacione të lëvizshëm | 1 |
| - nga 6 deri në 20 stacione të lëvizshëm | 0,8 |
| - nga 21 deri në 35 stacione të lëvizshëm | 0,6 |
| - nga 36 deri në 50 stacione të lëvizshëm | 0,4 |
| - mbi 50 stacione të lëvizshëm | 0,2 |

2. Ndërlidhje ndërmjet stacioneve dhënës dhe stacioneve marrës (e njëanshëm)

Sipas rastit zbatohen respektivisht taksat e paragrafëve 1 A; 1 B ose 1 C; të shumëzuar me një koeficient reduktimi 0,7.

3. Për lejet e lëshuara me afat deri në një muaj (përfshi dhe aparaturat e futura për demonstrim) taksa e lejes është 1000 lekë.

II. Taksat për stacionet private të bordit të anijeve dhe avionëve

1. Taksa vjetore e lejes për stacionet e bordit:

- | | |
|--|----------|
| - Dhënës me fuqi deri 400 wat | 200 lekë |
| - Dhënës me fuqi mbi 400 wat | 500 lekë |
| - Dhënës portativ i valëve metrike (përfshirë dhënësat e kërimit të ndihmës) | 120 lekë |

III. Taksat për stacionet radiorele që përdorin frekuenca mbi 1GHz

1. Brezi 23.5 - 23.6 GHz;

- | | |
|--|-----------|
| 1. a. Për radiorele me një kanal telefonik ose transmetim të dhënash | 600 lekë |
| 1. b. Për radiorele me një kanal radiofonik | 750 lekë |
| 1. c. Për radiorele me një kanal figure | 1250 lekë |
| 2. Breza të tjerë të frekuencave: | |

2. a. Ndërlidhje njëdrejtimeshe ndërmjet dy stacioneve.

Taksa të paguhet në vartësi të gjerësisë (L) të brezit të frekuencave që okupohet nga dhënia:

Për L deri në 1 MHz	1700 lekë
Për L mbi MHz deri në 10 MHz	2400 lekë
Për L mbi 10 MHz	3100 lekë

2. b. Ndërlidhja dydrejtimeshe ndërmjet dy stacioneve. Të njëjtat taksa me ato të pikës 2.a. të shumëzuara me 2.

2. c. Ndërlidhje e disa stacioneve vijuese.

Të njëjtat taksa me ato të pikave 2.a ose 2.b të shumëzuara me numrin e stacioneve minus një.

IV. Taksa për marrje nga sateliti

Për çdo stacion tokësor 300 lekë

V. Taksa për shërbimin radioamator

1. Taksa vjetore e lejes për stacionet amatore.

1. a. Stacion amator personal ose i radioklubit 100 lekë

1. b. Taksë leje për përdorimin e një stacioni amator nga çdo operator të veçantë 10 lekë

1. c. Stacion amator i huaj, me qëndrim të përkohshëm në vendin tonë për më pak se tre muaj dhe i pa rinovueshëm gjatë vitit 50 USD

1. d. Taksa vjetore e lejes për përdorimin e një stacioni marrës të destinuar për të dëgjuar dhëniet e stacioneve radioamatore 30 lekë

VI. Taksat për stacionet e radiopërhapjes (zanore dhe televizive)

1. Për një stacion me zonë mbulimi deri në 15 km nga qendra e dhënies.

1. a. Për programet televizive:

- Taksa vjetore e lejes 80.000 lekë

1. b. Për përsëritësat televiziv të programeve të huaja
- Taksa vjetore e lejes 1.200 lekë

1. c. Për programet e radios:
- Taksa vjetore e lejes 17.000 lekë

1. d. Përsëritësat e radios të programeve të huaja
- Taksa vjetore e lejes 1.100 lekë

2. Për një rrjet që ka si objekt mbulimin e gjithë territorit të vendit.

2. a. Për programet televizive
- Taksa vjetore e lejes 300.000 lekë

2. b. Për programet e radios
- Taksa vjetore e lejes për të gjithë rrjetin, jo më shumë se 200.000 lekë

2. c. Për një rrjet televiziv që shpërndahet me kabëll:
- Taksa vjetore e lejes 2000 lekë

2. d. Për një rrjet radioje që shpërndahet me kabëll:
- Taksa vjetore e lejes 100 lekë

3. Lejet për radiopërhapje zanore dhe televizive, programet e të cilave karakterizohen nga mungesa e interesave financiare dhe ushtrohen nga organizata ose shoqata të njohura me ligj në fushën kulturore, etnike, politike dhe fetare, paguajnë taksat e parashikuara në paragrafët 1a, 1c, 2a, 2b, 2c dhe 2d në masën 25 për qind.